

Laporan Lawatan Ke Taman Pertanian Bukit Cahaya Seri Alam

Persatuan Geografi sekolah ini telah menganjurkan lawatan sambil belajar ke Taman Pertanian Bukit Cahaya Seri Alam pada 13 Jun 2020 semasa cuti sekolah. Lawatan ini telah disertai oleh 35 orang anggota persatuan. Tujuan *utama* lawatan ini adalah untuk *meneliti* hubungan manusia dengan alam sekitar, khususnya dalam soal kegiatan ekonomi.

Rombongan ini bertolak pada pukul 7:00 pagi dan tiba di taman itu pada pukul 8:30 pagi. Setelah membeli tiket di kaunter masuk, kami masuk ke taman pertanian itu dengan berjalan kaki.

Tempat pertama yang kami kunjungi ialah kawasan sawah. Kawasan ini mempamerkan aktiviti penanaman padi dan kerja-kerja yang *berkaitan*. Kemudian kami berkunjung ke rumah empat musim. Di sini, kami melihat keadaan iklim sejuk dan salji yang *terhasil* daripada teknologi moden.

Setelah kira-kira satu jam berada di rumah empat musim, kami berkunjung ke Taman Kaktus. Di taman itu, terdapat pelbagai jenis kaktus dan tumbuhan padang pasir. Tempat terakhir yang kami kunjungi ialah kolam penternakan ikan. Di kolam ini pelbagai jenis ikan ditenak secara *sistematik*. Kolam ini, yang asalnya tasik terbiar, begitu menarik dan sesuai untuk penternakan ikan.

Pada pukul 6:00 petang, setelah *penat* berjalan sepanjang hari, kami menaiki kenderaan khas yang disediakan oleh pihak taman pertanian untuk keluar dari taman. Sepanjang hari itu, banyak pengalaman dan pengetahuan baharu yang kami peroleh. Bas yang membawa rombongan kami tiba di *perkarangan* sekolah pada pukul 8:00 malam.

Laporan disediakan oleh,

18 JUN 2020.

Husairi Hussin

(HUSAIRI BIN HUSSIN)
Setiausaha Persatuan Geografi,
Sekolah Menengah Teknik,
Kuala Lumpur.